



№ 36
2020-yil, 14-oktabr
Chorshanba (32.631)

Ijtimoiy-siyosiy gazeta

1918-yil 21-iyundan chiqqan boshlagan

Улуғлардан улуғимсан, Ватаним!

O'zbekiston O'VOZI

Қуриш ва яшаш маданиятимиз ўзгариши керак

Ўзбекистон Республикаси Президенти Шавкат Мирзиёев ушбу бунёдкорлик ишлари билан танишиш мақсадида 13 октябрь куни яна Сирдарё вилоятига келди.

Сардоба сув омбори тўғонининг ёрилиши оқибатида 2 минг 211 та хонадон яроқсиз ва 2 минг 499 таси таъмирталаб ҳолатга келиб қолган эди. Давлатимиз раҳбари ўшанда бу аҳволни кўриб, вайрон бўлган маҳаллаларни нафақат олдинги ҳолатига қайтариш, балки ундан-да яхши қилиш, ҳамманинг ҳаваси келадиган масканга айлантиришга ваъда берган эди.

Шу мақсадда учта ҳудуд танлаиб, 50 гектар майдонда 86 та 5 қаватли уй-жой барпо этилди. Хусусан, Сардоба тумани "Дўстлик" маҳалласида 37 та, Мирзаобод тумани "Ҳақиқат" маҳалласида 40 та ҳамда "Навбахор" маҳалласида 9 та уй-жой қурилди. Уларда жами 2 минг 640 хонадон бор.

Илгари бу жойлардаги кўп уйларда табиий газ йўқ эди. Энди газ, сув, электр энергияси ва бошқа коммуникациялар билан таъминланган. Яна бир муҳим томони – янги уй эгаларининг аввалги ҳовлилари ҳам ўзларида қолди.

Кўп қаватли уйлар шинам, ҳовлилари обод. Бу маҳалла «Янги Ўзбекистон» деб номланган.

Янги мавзеда маҳалла гузари, дўкон, кутубхона, болалар майдончалари барпо этилган. Уйларга хизмат кўрсатувчи сервис компанияси ташкил қилинган.

Ўзбекистон Республикаси Президентининг расмий веб-сайтидан олинди.



МУНОСАБАТ

КАМБАҒАЛЛИКНИ ҚИСҚАРТИРИШНИНГ ЯНГИ МЕХАНИЗМИ ЯРАТИЛМОҚДА

Жамиятимизда аёллар ва ёшларнинг ролини ошириш учун биринчи навбатда уларни касб-ҳунарли қилиш, бандлигини таъминлаш зарур. Бу вазифани самарали ва сифатли бажармасдан аёллар ва ёшлар манфаатлари билан боғлиқ ижтимоий-иқтисодий, сиёсий-ҳуқуқий масалаларни тизимли ҳал этиш имкони бўлмайди.

2



ЎЗХДП ФРАКЦИЯСИ АЪЗОЛАРИ: ҚОНУННИ ҲАММА ТУШУНИШИ КЕРАК

Парламент қуйи палатасидаги Халқ демократик партияси фракциясининг навбатдаги йиғилиши бўлиб ўтди. Дастлаб фракция аъзолари «Геном бўйича давлат рўйхатида олиш тўғрисида»ги қонун лойиҳасини кўриб чиқишди.

Қайд этилдики, бугунги кунда инсон гени билан боғлиқ маълумотлар аҳамияти ортиб бормоқда. Бу маълумотлардан фойдаланиш, уларни сақлаш ва ҳимоялаш масалалари низоҳатда долзарб вазифага айланмоқда. Чунки бундай маълумотлар ўта қимматли ҳисобланади. Шунинг учун депутатлар қонун лойиҳасида назарда тутилган ҳар бир меъёрни атрофлича муҳокамадан ўтказди.

Депутатлар қонун лойиҳасининг асосий тушунчалар қисмида "геном" тушунчасига изоҳ берилмаганига эътироз билдиришди. Қонун лойиҳаси қабул қилинган тақдирда ундаги қоидалар тор доирадаги соҳа ёки мутахассисларга эмас, барча фуқароларга тегишли бўлади. Яъни, қонунни ҳамма бевосита тушуниш имконига эга бўлиши керак. Фракция аъзолари бир овоздан қонун лойиҳасида "геном" тушунчаси нимани англатишига оидинлик киритиб кетиш зарур, деган таклифни қўллаб-қувватлашди.

Шу билан бирга, қонун лойиҳасида ишлатилган "ахборотни блокировка қилиш" жумласи ўзбекча талқин этилиши юзасидан қизгин баҳс-мунозара бўлиб ўтди. Фракция аъзолари бу масала бўйича қатъий талаб қўйишди.

Йиғилишда «Архив иши тўғрисида»ги қонунга ўзгартиш ва қўшимчалар киритиш ҳақидаги қонун лойиҳаси иккинчи ўқишда кўриб чиқилди. Мазкур қонун лойиҳасини биринчи ўқиш жараёнида ХДП фракцияси аъзолари давлат архивларининг бинолари бошқа шахсга ўтказиш ҳақидаги меъёрни такомиллаштириш юзасидан таклиф билдирган эди. Бу таклиф лойиҳага киритилиб, архив ҳужжатларини сақлаш, фойдаланишни ташкил этиш талабларига жавоб берадиган бинолар билан таъминламасдан, давлат архивларининг бинолари бошқа шахсга ўтказилмаслиги белгиланмоқда. Бу давлат ва жамият аҳамиятига молик ҳужжатлар хавфсизлигини таъминлашда принципиал аҳамиятга эга бўлиши таъкидланди.



Қонун тартибига кўра, фракция аъзолари "Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида"ги қонун лойиҳасини ҳам қизгин муҳокама қилишди. Ушбу қонун лойиҳаси билан 5 та қонун ва 1 та кодексга ўзгартишлар киритиш назарда тутилмоқда.

Хусусан, маҳаллий Кенгашлар қабул қилган қонунга зид қарорларни бекор қилиш ваколати Олий Мажлис Сенатига берилиши таклиф этилмоқда.

Бу ўзгартишга нима асос бўляпти?

Гап шундаки, "Маҳаллий давлат ҳокимияти тўғрисида"ги қонуннинг 26-моддасида маҳаллий Кенгашларнинг Конституция ва қонунларга, Президент ҳужжатларига зид келадиган қарорлари Олий Мажлис томонидан бекор қилиниши назарда тутилган. Бироқ амалдаги қонун ҳужжатларида бундай қарорларни бекор қилишнинг аниқ механизми, хусусан, бекор қилиш қимнинг ташаббусига асосан кўриб чиқирили буйича тартиб мавжуд эмас. Шу сабабли бу ваколатдан ҳозирги кунга қадар фойдаланилмаган.

Масаланинг яна бир муҳим томони шундаки, кейинги йилларда қисмоний ва юридик шахслардан, шу жумладан, фермер хўжалиқларида маҳаллий Кенгашлар ҳамда ҳокимларнинг амалдаги қонун ҳужжатларига зид қарорларни бекор қилиш масалалари юзасидан мурожаатлар келиб тушмоқда. Шу муносабат билан Сенатга маҳаллий Кенгашлар томонидан қабул қилинган қонунга зид қарорларни бекор қилиш тартибини белгилаш таклиф этилмоқда.

Қонун лойиҳасидаги кейинги масала ҳам муҳим. Депутатларнинг қайд этишича, бугунги кунда хорижий давлатларда Ўзбекистон Республикасининг 35 та элчихонаси, 3 та доимий ваколатхонаси, 16 та бош консуллиги, 1 та консуллиги мавжуд бўлиб, уларнинг зиммасига қатор вазифалар, жумладан, хорижий инвестицияларни жалб этиш вазифаси юклатилган. Аммо ушбу дипломатик ва бошқа вакилларнинг бу борада амалга оширган ишлари бўйича ҳисоботларини эшитиш амалиёти йўлга қўйилмаган. Шундан келиб чиқиб, Ўзбекистон Республикасининг чет давлатлардаги дипломатик ва бошқа вакилларини тайинлаш Сенатнинг мутлақ ваколатлари жумласига киритилганини инобатга олиб, дипломатик вакиллар билан бош консуллар, консуллар ва доимий вакилларнинг ҳисоботларини эшитиш назарда тутилмоқда.

Фракция аъзолари бу меъёрлар қонун устуворлиги ва парламент назорати таъсир доирасини кенгайтиришда катта аҳамият касб этишини таъкидлашди.

Йиғилишда бошқа қонун лойиҳалари ҳам кўриб чиқилди.

Халқ демократик партияси Ахборот хизмати

ЭЪТИРОФ

Янги Ўзбекистон – янги глобал ташаббуслар

Собиқ иттифоқ таркибида бўлган ва мустақилликка эришган ҳар бир давлат учун сиёсий тарих сабоқлари ўзига хос аҳамият касб этади. Марказий Осиё давлатларининг ҳар бири суверен, мустақил давлатларни барпо этишнинг асосий, стратегик вазибаларини муваффақиятли ҳал қилишга интилиб, яхши қўшничилик ва тинч-тотув яшаш гоёларини байроқ қилганча, ўзининг синов ва ижодий ўзгариш йўлларини босиб ўтмоқда. Ўзбекистон муваффақиятли эволюцион тараққиётнинг ёрқин мисоли бўлиб, бу ерда сиёсий ва иқтисодий модернизациялаш борасида олиб борилаётган кенг қўламли чора-тадбирлар демократик ўзгаришларни қайтариб бўлмас ҳолга олиб келган янги мамлакат барпо этишга имкон берди. Ушбу характердаги эволюция жараёни осон эмас, Собиқ иттифоқ таркибида бўлган давлатлар учун бу иш икки баварар мураккаб саналади.

Давлат қурилиши соҳасидаги муваффақиятли, яратувчанлик ишларнинг сири, умуман олганда, мамлакатни барпо этиш ишига онгли ёндашиш, ўз стратегиясини амалга ошириш ишига босқичма-босқич ёндаша олишдир. Жаҳон тенденцияларини синчковлик билан кузатиб борадиган Ўзбекистон ўз халқи ҳаёти тажрибасидан келиб чиққан, чуқур тарихий анъаналардан фойдаланган ҳолда давлат ва жамият ривожланишини ўзининг суверенитет гоёларига мувофиқ равишда белгилаб олган.

Президент Шавкат Мирзиёевнинг Ўзбекистон Республикаси мустақиллигининг йигирма тўққиз йиллигига бағишланган тантанали маросимдаги нутқида жадид аждодларнинг "Ҳақ берилмас, ҳақ олинур!" жумласини такрорлади. Айнан шу нутқда Ўзбекистон раҳбари шундай таъкидлади: "Бугун жаҳон миқёсида юртимиз ҳақида сўз кетганда "Янги Ўзбекистон" ибораси тилга олинмоқда. Бу кейинги йилларда тараққиётнинг мутлақо янги босқичига қадам қўйганимиз, эришяётган залворли ютуқларимизнинг эътирофидир.

Халқимизнинг улғувор қудрати жўш урган ҳозирги замонда Ўзбекистонда янги бир уйғониш – Учинчи Ренессанс даврига пойдевор яратилмоқда, десак, аини ҳақиқат бўлади. Чунки бугунги Ўзбекистон – кечаги Ўзбекистон эмас. Бугунги халқимиз ҳам кечаги халқ эмас.

Истиқлол йилларида босиб ўтган шонли йўлимизга назар ташлаб, эртанги кунимизга, ўз куч ва имкониятларимизга бўлган ишончимиз янада ортмоқда. Мамлакатимизни ривожлантиришнинг Ҳаракатлар стратегиясига мувофиқ барча соҳа ва тармоқларда амалга ошираётган ислохотларимиз бу борада ҳал қилувчи омил бўлмоқда.

"Миллий тикланишдан – миллий юксалиш сари" деган даъваткор гоё ҳаётимизга тобора чуқур кириб бормоқда. Биз аини шу асосда халқимиз ҳаётини тубдан яхшилаш, инсон ҳуқуқ ва эркинликлари, қонун



казини очиш; Тошкентда Бирлашган Миллатлар Ташкилотининг Глобал антитеррор стратегияси доирасидаги қўшма режанинг 10 йиллик натижалари ва келгуси истиқболларига бағишланган халқаро конференцияни ўтказиш; 2021 йилда ЮНЕСКО билан ҳамкорликда қадимий Хива шаҳрида "Марказий Осиё жаҳон цивилизациялари чорраҳасида" мавзuida халқаро форум ўтказиш; Барқарор тараққиёт мақсадларига эришиш ва инсон ҳуқуқларини таъминлашда парламентар ролини ошириш тўғрисидаги Бирлашган Миллатлар Ташкилоти Бош Ассамблеясининг махсус резолюциясини қабул қилиш.

Таклиф этилаётган ҳар бир ташаббус чуқур анланганлигини тушунган ҳолда, барча ўзбек ташаббуслари ва баёнотлари нафақат давлатнинг ички ҳаёти билан боғлиқлигини, балки уларнинг дунё учун, шу жумладан, бутун Марказий Осиё минтақаси учун аҳамиятини ҳисобга олган ҳолда юқорида баён қилинган ташаббуслардан иккитасини батафсил қўриб чиқайлик. БМТнинг Ёшлар ҳуқуқлари тўғрисидаги конвенцияси мавзуси Ш.Мирзиёев томонидан 2017 йил сентябрь ойида БМТ Бош ассамблеясининг 72-сессиясида айтиб ўтилган эди. Ўзбекистон бу утган вақт мобайлида мазкур йўналишда катта ишларни амалга оширди. Мамлакатнинг БМТ билан ҳамкорлиги бўйича йўл харитаси доирасида алоҳида режа ишлаб чиқилди. Бу йил Самарқандда "Ёшлар 2020: глобал ҳамжихатлик, барқарор ривожланиш ва инсон ҳуқуқлари" мавзuida инсон ҳуқуқлари бўйича нуфузли форум ўтказилди. Шу ерда Ёшлар ҳуқуқлари борасидаги Конвенция лойиҳаси муҳокама қилинди. Таъкидлаш жоизки, Ўзбекистон ушбу йўналишдаги муаммони олиб чиқиши бежиз эмаслигини тасдиқлади. Мамлакатда ёшларни маданият, санъат, жисмоний тарбия ва спортга кенг жалб қилиш, акборот технологиялари бўйича саводхонлигини ошириш, ёшлар ўртасида китохонлигини тарғиб қилиш ва аёллар бандлигини таъминлаш каби вазибаларни ўз ичига олган бешта муҳим ташаббус амалга оширилмоқда. Вазибалари ёшларни кичик бизнес ва хусусий тадбиркорликка кенг жалб қилиш, рақамли иқтисодиётни

пuxта эгаллашлари учун қўшимча шароитлар яратиш ва уларни иш билан таъминлаш жараёнлариға қўмаклашиш саналган Ёшлар билан ишлаш агентлиги ташкил этилди. Ўзбекистон Республикасида ёшларға оид давлат сиёсатини янада такомиллаштириш бўйича қўшимча чора-тадбирлар дастури амалга оширилмоқда. 2017 йилдан бошлаб Бутунжаҳон Ўзбекистон ёшлари ассоциацияси фаолият юритиб келмоқда. Уюшманинг асосий мақсади чет элда ўқийтган ва ишлаётган ёшларни қўллаб-қувватлаш ва уларнинг манфаатларини ҳимоя қилишдир. Бугунги кунда Бутунжаҳон Ўзбекистон ёшлари ассоциациясининг 13 мамлакатда аъзолари бор.

Бугунги дунёда омон қолиш масаласи пандемия синовига қандай қарши туришимиз билан бевоСИта боғлиқ. Ўзбекистон пандемия пайтида зудлик билан халқаро ихтиёрий мажбуриятларнинг халқаро кодексини ишлаб чиқишни ва уни тарғиб қилишни бошлашни таклиф этмоқда. Шавкат Мирзиёев БМТ Бош котибининг "Гап дунёнинг бирон бир мамлакати, бир минтақаси ёки бир қисмини эмлаш ҳақида эмас, балки ҳар ким қаерда бўлишидан қатъи назар, арзон, хавфсиз ва ишончли дориларға эга бўлиш ҳақида бормоқда" деган жумласини англашга даъват этди.

Ўзбекистон Республикаси мустақиллигининг йигирма тўққиз йиллигига бағишланган тантанали маросимдаги нутқида Ш.Мирзиёев шундай дея таъкидлади: «...Бу балога қарши курашиш бўйича сунгги олти ой давомида мисли қўрилмаган ишларни амалга оширдик. Жумладан, қўллаб янги шифохоналар ва карантин зоналари ишга туширилди. Катта миқдорда қўшимча тиббиёт ускуналари ва тез ёрдам машиналари харид қилинди. Энг илгор хорижий амалиёт ва ўзимизда тўпланган тажриба асосида даволаш усуллари такомиллаштириб борилмоқда. Коронавирусга қарши курашда туну кун метин ирода билан фаолият юритаётган тиббиёт ходимларининг фидокорона меҳнатини муносиб қадрлаш доимий эътиборимизда турибди. Бундай чора-тадбирларимиз натижасида минглаб беморлар шифо топиб, оиласи бағрига қайтмоқда.

Алесь КАРЛЮКЕВИЧ,
беларусь адibi

(Беларусьда чоп этиладиган
"Звезда" газетасининг 29 сентябрь
сонидан олшанган)

БАҒРИКЕНГЛИК — ОЛИЙ ҚАДРИЯТ

Меҳр-мурувват ва бағрикенглик бир-бирига яқин тушунчалардир. Бағрикенглик ҳар бир давлат, жамият, ҳар бир дин, сиёсий партиялар, жамоат ташкилотлари учун гоёат қимматли қадрият ҳисобланади. Бағрикенглик тамойиллари Декларациясида унга атрофлича таъриф берилган: "Бағрикенглик бизнинг

дунёмиздаги турли бой маданиятларни, ўзини ифодалашнинг ва инсоннинг алоҳидалигини намоён қилишнинг хилма-хил усулларини ҳурмат қилиш, қабул қилиш ва тўғри тушунишни аналтатади".

Президентимиз Шавкат Мирзиёев Бирлашган Миллатлар Ташкилоти Бош Ассамблеяси етмиш бешинчи юбилей сессиясининг юқори даражадаги умумсиёсий мунозараларида сўзлаган нутқида: "Миллатлараро тотувлик ва динлараро бағрикенгликни янада мустаҳкамлаш биз учун доимий муҳим вазифадир", деб таъкидлади. Бундан уч йил муқаддам эса Президентимиз БМТ Бош Ассамблеясининг 72-сессиясида Ўзбекистон томонидан ишлаб чиқилган «Маърифат ва диний бағрикенглик» резолюциясини қабул қилиш ташаббуси билан чиққан эди. БМТ Бош Ассамблеяси 2018 йилнинг 12 декабрдаги ялпи сессиясида шу асосда «Маърифат ва диний бағрикенглик»

махсус резолюциясини қабул қилди. Ҳужжатда "бағрикенглик ва ўзаро ҳурматни ўрнатиш, диний эркинликни таъминлаш, диндорлар ҳуқуқларини ҳимоя қилиш ва уларнинг камситилишига йўл қўймаслик"ка қақирилган. Резолюция БМТнинг барча аъзо давлатлари томонидан бир овоздан қўллаб-қувватланди ва мазкур ҳужжатга 50 дан ортиқ давлат ҳаммуаллифлик қилган эди.

Халқимизнинг маънавий юксаклиги, пойдевори азалдан баланд бўлиб келган. Афсуски, тарихнинг айрим вақтларида биз ўзлгимиздан, асл фарзандларимиздан, миллатимизнинг маънавий етакчиларидан айрилдик. Маҳмудхўжа Бехбудий, Абдурауф Фитрат, Қўлпон каби маърифатпарварларимиз бу йўлда жонларини фидо қилди.

Маънавиятимизнинг асоси, энг аввало, муқаддас ислом динимиз саналади. Қуръони Каримда 114 та сура ва 6232 та оят бор. Уларнинг бош гоёси шахсни меҳр-мурувват руҳида тарбиялаш мақсадиға қаратилган. Ҳар бир мусулмон аҳли янги кун ёки ҳар бир ишни "Бисмиллоҳир роҳманир роҳийм" деб бошлайди. Бу эса ислом динининг асосий моҳиятида меҳр ва мурувват туйғуси мужассамлашганидан далолатдир.

Бағрикенглик тамойиллари асл қонида бўлган ўзбек халқи қандай шароитда яшамасин, инсонийлик туйғуларини сақлаб қолган. 1941-1945 йилларда бўлиб ўтган уруш йилларида собиқ шўро давлатининг турли худудларидан қўчириб келинган аҳолиға маҳаллий халқ ўз уйдан жой, нон-туз берганини тарих унутмайди. Севимли шоиримиз Ғафур Ғулومнинг "Сен

➤ **Маънавиятимизнинг асоси, энг аввало, муқаддас ислом динимиз саналади. Қуръони Каримда 114 та сура ва 6232 та оят бор. Уларнинг бош гоёси шахсни меҳр-мурувват руҳида тарбиялаш мақсадиға қаратилган. Ҳар бир мусулмон аҳли янги кун ёки ҳар бир ишни "Бисмиллоҳир роҳманир роҳийм" деб бошлайди. Бу эса ислом динининг асосий моҳиятида меҳр ва мурувват туйғуси мужассамлашганидан далолатдир.**

етим эмассан" номли шеъри халқимизнинг нақадар болажонлигини кўрсатиб турибди. Биз эса гўзал динимиз таъсири остида тарбия топиб, бебаҳо маънавий мерос қолдирган буюк аждодларимиз ижодларидан

кўпроқ баҳраманд бўлишимиз, бу маънавият хазиналарини дилмизга кўпроқ жо қилишимиз керак. Буюк аллома Алишер Навоий инсон қалбининг қувончу қайғуси, эзгулик ва ҳаёт мазмунини ғазалларида теран ифода этган. Инсоний ишқ-муҳаббат, меҳру вафо, шарму ҳаёни ёниб, ҳассослик билан қуйлаган Навоийнинг гўзал сатрлари орадан беш ярим асрдан зиёд вақт ўтса ҳамки, кишини ҳаяжонга солиб келлади.

**"Ким агар кўнгул бузуқнинг хотирин шод айлагай,
Онча борким, Қаъба вайрон бўлса, обод айлағай".**

Ҳазрат Навоий мазкур мисралари билан инсон қалбининг мартабасини, унинг мўътабарлигини бизга яна бир бор эслатади. Мухтасар айтганда, юртимизда эслатлар давомида қўллаб халқлар, миллат ва эллар турли муносабатлар билан қўчиб келиб, қўним топган. Маҳаллий аҳоли уларни ўз биродаридек қабул қилади. Эҳтимол, биз иқтисодий жиҳатдан қайсидир мамлакатлардан ортда бўлсак ҳам, маънавият, одамийлик борасида юқори бўлсак, юқоримизки, аммо кам жойимиз йўқ. Ўзбекистоннинг бугунги сиёсатида ҳам миллатлараро тотувлик ва динлараро бағрикенглик устувор ўрин тутайди. Биз ана шу бебаҳо қадриятларимизни, муқаммал тарзда келгуси авлодға мерос қолдиришимиз шарт.

Нарғиза ШОАЛИЕВА,
Ўзбекистон халқаро ислом академияси
"Ўзбек тили ва мумтоз шарқ адабиёти"
кафедраси доценти.

МУНОСАБАТ

ЁШЛАР ҲУҚУҚЛАРИ ТЎҒРИСИДАГИ КОНВЕНЦИЯ

дунёнинг келажаги ва ёшларига ғамхўрлик ифодасидир



Давлатимиз раҳбари БМТ Бош Ассамблеясининг 75-сессиясидаги нутқида 10 га яқин таклиф ва ташаббусларни илгари сурган эди. Бугун ушбу маъруза ва ундаги таклиф ва мулоҳазаларға бутун дунё давлат арбоблари, сиёсатчилари, олимлари ўз муносабатларини билдиришмоқда. Чунки уларда минтақавий ва дунёвий масалалар қўтарилган ва муаммолар ечими бўйича таклифлар билдирилган.

Мамлакатимиз аҳолисининг яридан кўпини ёшлар ташкил этиши нутқда алоҳида қайд этилди. Жамиятда ҳар бир йигит-қиз ўзига муносиб ўрин эгаллаши ва ўз билим ва салоҳиятини намоён этиши учун уларға алоҳида ғамхўрлик ва эътибор кўрсатилиши лозим. Энг устувор ва долзарб масала ёшларни тўғри йўлга бошлаш, уларни фирқлаши, билим олиши, ўз дунёқарашларини намоён этишида қўмакчи бўлиш, биз катталарнинг вазифасидир. Ҳар қандай мамлакатнинг келажаги ўша юрт ёшларининг билим ва салоҳиятиға, фирк ва идрокига боғлиқ бўлади. Шу маънода Ёшлар ҳуқуқлари тўғрисидаги Бирлашган Миллатлар Ташкилоти конвенциясини қабул қилиш бўйича таклиф бутун дунёнинг келажагига ва ёшларига ғамхўрлик сифатида қаралмоқда.

Муродилла НОРМУРОДОВ,
профессор, Ўзбекистон ХДП Қашқадарё
вилоят кенгаши ижроия қўмита аъзоси.

ДЕПУТАТ ТАШАББУСИ БИЛАН



2 ТА МАКТАБ КАПИТАЛ ТАЪМИРДАН ЧИҚАРИЛДИ

Самарқанд вилояти Нарпай туманида тўпик қайтадан реконструкция қилинган 30 ва 43-умумий ўрта-таълим мактабларининг тантанали очилиш маросимлари ўтказилди. Тадбирларда туман ҳокимлиги, халқ таълими бўлими мутасаддилари, ўқитувчилар, ота-оналар вакиллари иштирок этди.

Мазкур мактабларнинг замонавий кўринишда қайта тикланишида худуддан Олий Мажлис Қонунийлик палатасига сайланган депутат Шербек Бўронов ташаббус кўрсатди. У аҳолининг талабига асосан мутасадди ташкилотларға мурожаат қилди.

Депутат сўрови билан Нарпай туманидаги бу икки мактаб манзилли рўйхатға қиртилган эди. Таъмир ишлари учун давлат бюджетидан 4 миллиард сўмдан ортиқ маблағ ажратилиб, мактабларда кенг қўламли реконструкция ишлари амалга оширилди.

"Дўстлик" МФЙ Хўжалар қишлоғидаги 43 мактаб 1982 йилда, "Ипак йўли" МФЙ Қорасийроқ қишлоғидаги 30-мактаб 1992 йилда қурилганиға қарамай, ўтган йиллар давомида таъмирланмаган эди. Ҳозирда бири 600, кейингиси 320 нафар ўқувчиға мўлжалланган мактаблар бинопари бутунлай янги қиёфаға кирди.

Депутат Шербек Бўронов мутасадди-масъуллар, маҳаллий Кенгаш депутатлари билан бирға таъмирлаш ишларининг вақтида ва сифатли бажарилишини мунтазам кузатиб борди. Таъмир жараёнида юзаға келган масалалар қисқа фурсатда туман ҳокимлиги ёрдамида ҳал этилди.

Мактабларнинг тантанали очилиш мароси-мида ўқитувчилар ва ота-оналар депутатта ўз миннатдорчиликларини билдиришди.

Ўзбекистон ХДП Марказий Кенгаши
Ахборот хизмати.

Ҳозирги кунда энг йирик глобал экологик фалокатлардан бири — бу Орол денгизи фожиаси.

МУНОСАБАТ

ОРОЛБЎЙИ – ЭКОЛОГИК ИННОВАЦИЯ ВА ТЕХНОЛОГИЯЛАР ҲУДУДИ

Президентимизнинг Бирлашган Миллатлар Ташкилоти Бош Ассамблеясининг 75-сессиясида илгари сурган таклифи нафақат халқимиз, балки жаҳон ҳамжамиятининг эътирофига сазовор бўлди. Давлатимиз раҳбари ушбу чиқишида дунё ҳамжамияти эътиборини кўплаб долзарб масалалар қатори яна бир бор бугунги куннинг энг ўткир экологик муаммоларидан бири – Оролбўйи минтақасидаги оғир экологик вазият, жумладан, Орол денгизи муаммоларига қаратди.



Президентимиз ўз нутқида Оролбўйи минтақасини экологик инновация ва технологиялар ҳудуди, деб эълон қилиш ҳақида Бирлашган Миллатлар Ташкилоти Бош Ассамблеясининг махсус резолюциясини қабул қилиш ҳамда ушбу муҳим ҳужжат тасдиқланган санани Халқаро экологик тизимларни ҳимоя қилиш ва тиклаш куни сифатида нишонлаш таклифини билдирди.

Дарҳақиқат, ҳозирги кунда энг йирик глобал экологик фалокатлардан бири — бу Орол денгизи фожиаси бўлиб, унинг экологик, ижтимоий-иқтисодий ва гуманитар оқибатлари туфайли минтақа, соғлиқни сақлаш, генотип ва унда яшайётган аҳолининг барқарор ривожланишига бевосита таҳдид солмоқда, шунингдек, глобал экотизимга салбий таъсир кўрсатмоқда

Оролда ўтган асрнинг бошларидан сув сатҳи пасая бошланган. Масалан, 1911-1960 йиллар давомида Орол денгизига дарёлардан ёгин билан бирга бир йилда, ўртача 65 куб. км. сув келиб турган, сув юзасидан эса 66,10 куб. км. сув булганган. Шундай қилиб, ҳар йили денгиз бир куб. км., 50 йил давомида эса 50 куб. км. суви йўқотган. Сув сатҳи, айниқса, ўтган асрнинг 60-йилларидан бошлаб суғориладиган экин майдонларининг кенгайтирилиши, Амударё ва Сирдарё сувларининг суғоришга ишлатилиши туфайли кескин камаё бошлаган. Ўтган 40 йилдан кўпроқ вақт давомида Орол денгизининг майдони деярли 4 марта, сув сатҳи 1,8 марта, ундаги сув ҳаҷми 9 мартага яқин камайди.

Экологик танглик Оролбўйи табиати, ўсимликлар ва ҳайвонот дунёсига ҳам катта зиён етказди. Сув захираларининг камайиши ва шўрланиши натижасида яйловларда чорва учун озиқ бўладиган ўсимликлар тури ва сифати камайиб, ўтлоқлар майдони деярли уч мартага қисқарди. Амударё ва Сирдарё сувининг камайиши, сув тоқинларининг бўлмаслиги, дарёларнинг сув босадиган қирғоқларида ястаниб ётадиган тўқайлардаги хилма-хил ўсимликларнинг қуриб йўқ бўлиб кетишига олиб келди. Уларнинг ўрнини қурғоқчиликка чидамли юлғун, шувоқ каби чўл ўсимликлари эгалламоқда. Тўқайларнинг йўқолиши кўплаб ўсимлик ва ҳайвон турларининг қирилиб кетишига сабаб бўлди. Ўтган 20-асрнинг иккинчи ярмида Амударёнинг қуйи қисмидаги тўқайларнинг бузилиши билан бу жойлардан

йўлбарс, Бухоро бугўси йўқолиб кетди. Жанубий Орол бўйидаги 60 дан ортиқ қушлардан 10 га яқин тури йўқолиб бораётгани ва 42 туридан ортиги «ноёб» турга айланаётгани ҳақиқатдир. Шўрланишнинг кескин ортиши туфайли Орол денгизи тобора ўлик денгизга айланиб бормоқда. Орол денгизи ва Оролбўйида сув ҳавзаларидаги 28 тур балиқдан 12 тури, жумладан Амударё куракбурун, Орол мўйловдори йўқолиб ноёб турларга киритилган.

Ушбу экологик фожа Оролбўйи ҳавзасида яшовчи кўп миллионли аҳолининг турмуш тарзига салбий таъсир кўрсатди. Яна бир муҳим жиҳати шундаки, бу экологик таназзул бир-бирига узвий боғлиқ бўлган ва халқаро аҳамият касб этувчи ижтимоий-иқтисодий муаммоларнинг яхлит ва мураккаб мажмуини вужудга келтирди. Натижада бир авлод кўз ўнгида бир пайтлар ёпиқ сув ҳавзалари ичида катталиги жиҳатидан дунёда тўртинчи ўринда турган Орол денгизи қарийб ўлик денгизга айланиб қолди. Унинг қуриб қолган тубида 5 миллион гектардан зиёд экологик фожаия учоғидан иборат янги Оролқум чўли пайдо бўлди ва у ўзига туташ ҳудудларга туз-қумли бўронлар тарқатувчи хавфли маконга айланди. Бу ердан ҳавога кўтарилаётган чангли бўронларнинг таъсир доираси 500 километрдан ҳам олисга етиб бораётгани Орол фожиасининг нақадар кенг қамровли эканидан далолат беради. Ҳар йили Оролдан атмосферага 100 миллион тоннагача чанг кўтарилаётир. Ўтган асрнинг 80-йилларидан бошлаб бу ердаги чанг бўронлари давомийлиги 90 кундан ҳам кўпроқ бўлаётгани мутахассислар томонидан эътироф этилмоқда. Бунинг оқибатида ўн минглаб кишилар анъанавий касбларидан маҳрум бўлди. Жанубий Оролбўйидаги кўплаб кичик кўллар қуриб қолди ёки саёзликка айланди. Бу эса ўз навбатида, қарийб 90 фоиз тўқайзорларнинг йўқ бўлиб кетишига, 800 минг гектардаги қамишзорларнинг қуришига ва бу ерлардан кўним топан парранда-ю даррандаларнинг қирилиб кетишига олиб келди. Айни пайтда, трансгегаравий дарёларнинг ўрта ва юқори оқимларида юзлаб сунъий сув ҳавзалари пайдо бўлди. Натижада Орол фожиасининг оқибатлари ҳатто Помир ва Тянь-Шаннинг энг баланд чўққиларида ҳам кузатилаётгани бугун ҳеч кимга сир эмас. Оролнинг қуриши ер ресурсларининг камайиши ва тупроқ унумдорлигининг пасайиши

Орол фожиасининг оқибатлари ҳатто Помир ва Тянь-Шаннинг энг баланд чўққиларида ҳам кузатилаётгани бугун ҳеч кимга сир эмас.

билан бир пайтда кузатилмоқда. Яйловлар ва пичанзорларнинг табиий ҳолати тобора ёмонлашиб, шўр босган янги-янги майдонлар пайдо бўлаётир. Умуман олганда, Оролбўйидаги чўлланиш даражасининг кескин ошиши натижасида ҳудуднинг биологик маҳсулдорлиги 10 баробар камайди. Баъзи жойларда яйловлар ва пичанзорлар ўз аҳамиятини бутунлай йўқотди.

Минтақада чўлланиш жараёнининг тезлашиши ўсимлик ва ҳайвонот дунёси хилма-хиллигига салбий таъсир кўрсатмоқда. Оролбўйидаги санитар ва экологик вазият тобора мураккаблашиб бораётир. Юқумли ва бошқа касалликларга чалиниш кўпаймоқда. Ана шундай шароитда сувдан оқилана фойдаланиш Марказий Осиё давлатлари учун, айниқса, трансгегаравий дарёларнинг қуйи оқимида жойлашган мамлакатлар учун энг асосий вазифалардан бири бўлиб қолди.

Юқорида келтириб ўтилган муаммоларни ҳал қилиш мақсадида мамлакатимиз томонидан бир қанча ишлар амалга оширилди. Жумладан, мамлакатимиз ташаббуси билан Оролбўйи минтақаси учун Бирлашган Миллатлар Ташкилотининг инсон хавфсизлиги бўйича кўп томонлама шериклик траст фонди тузилди. БМТ махсус резолюциясини қабул қилиш гоёси 2019 йил 25 октябрда

Нукус шаҳрида БМТ шафелигида бўлиб ўтган «Оролбўйи – экологик инновациялар ва технологиялар зонаси» деб номланган юқори даражадаги халқаро конференцияда кўплаб-қувватланди. Конференция яқунлари бўйича БМТ Бош Ассамблеясининг Оролбўйи экологик инновациялар ва технологиялар зонасини эълон қилиш тўғрисидаги махсус резолюцияси, шунингдек, Марказий Осиёда сув ресурсларидан оқилана фойдаланиш бўйича минтақавий Дастурни лойиҳаларга киритиш учун таклифлар тақдим этилди. БМТ резолюцияси инвестицияларни рағбатлантириш ва иқлим ўзгариши, атроф-муҳитнинг ёмонлашуви, барқарор урбанизация ва қишлоқ ҳўжалиги, озиқ-овқат хавфсизлиги, қашоқлик ва тенгсизлик каби кенг қамровли масалаларга эътибор бериш орқали асосий хавф омилларини бартараф этиш имкониятини беради.

Бундан ташқари, сўнгги уч йил ичида Оролбўйи ҳудудида ўрмонзорлар барпо этиш мақсадида икки миллион гектарга яқин ер майдонида сувсизликка чидамли дарактлар ешилди. Ҳозирги кунда амалга оширилаётган ишлар атроф-муҳит ҳолатини яхшилаш, табиий ресурслар деградациясининг олдини олиш, ҳайвонот ва ўсимлик дунёсининг кўпайиши ва тарқалиши учун қўлай экотизим шаклланишини таъминлайди. Чўл ўрмонлари майдонларининг ва биохилмаҳилликнинг кенгайиши минтақада иқлим ўзгаришининг юмшашига имкон беради.

Хулоса қилиб айтганда, Давлатимиз раҳбарининг Оролбўйи минтақасини экологик инновация ва технологиялар ҳудуди, деб эълон қилиш ҳақида Бирлашган Миллатлар Ташкилоти Бош Ассамблеясининг махсус резолюциясини қабул қилиш ҳамда ушбу ҳужжат тасдиқланган санани Халқаро экологик тизимларни ҳимоя қилиш ва тиклаш куни сифатида нишонлаш бўйича таклифи Орол фожиасини бартараф қилишга, мамлакатимиз иқтисодиётининг янада ривожланишига, халқимиз саломатлиги тубдан яхшила-нишига, ўсимлик ва ҳайвонот дунёсининг сақлаб қолинишига, энг асосийси, келажак авлодимиз учун она табиатимизни бутунли-чча асраб қолинишига хизмат қилади, деган умиддамиз.

Рустам КЕНЖАЕВ,
Тошкент давлат юридик университети
Экология ҳуқуқи кафедраси доценти.



Биласизми?

ҚУЙДАГИ КАСАЛЛИКЛАРИ БЎЛГАН БОЛАЛАР УЧУН
боғча пули тўланмайди



— нутқидаги оғир нуқсонлар (ринолапия, дудқула-ниш, болалар афазияси, руҳий-нутқий ривожланишда орқада қолиш);
— эшитишдаги оғир нуқсонлар (II — IV даражадаги карлик);
— кўринишдаги оғир нуқсонлар (кўзи ожизлар, бир кўзи соққаси йўқлиги (анофтальм), амблиопия ва ғилай бўлган заиф кўрадиғанлар);
— таянч-ҳаракатланишидаги нуқсонлар (бош мия, бўйин, кўкрак қафаси, умуртка, бўғимлар ва оёқлар операцияларининг барча турларидан кейинги ҳолати; бўйин, кўкрак қафаси, умуртқанинг идиопатик дефор-мациялари; кифоз; лордоз; кифосколиоз; оёқ панжалари фалажи; таянч-ҳаракатланиш аъзоси ривожланиши аномалиялари; артрозоартритлар; остеохондропатия; хондродистрофия; болалар церебрал фалажи; менин-гоэнцефалитта чалинғандан кейин ҳамда туғруқ асо-ратларидан кейинги таянч-ҳаракатланиш аъзоларининг барча патологиялари (гемипарез, парепарез, монопарез ва шу турдаги плегиялар); полирадикулоневритлар ва уларнинг асоратлари);
— психик ривожланишда орқада қолиш (ақлий орқа-да қолиш (ақлий фаолиятининг орқада қолиши ва ақлий заифлиқнинг энгил даражаси);
— мураккаб нуқсонлар (ривожланишда икки ва ун-дан ортиқ нуқсонлар мавжудлиги);
— сил касаллигининг илк кўриниши (сил касаллиги билан касалланган бемор билан бир оиладан (хўжалик-дан) бўлиб алоқада бўлганлар, тубвираж), шунингдек, сил касаллиғидан кейинги тиклаш даври.

ХОДИМНИНГ ИШ ҲАҚИДАН
ушлаб қолишга йўл қўйиладими?



Ходимнинг меҳнат ҳақидан ушлаб қолиш унинг ёзма розилиги билан ёки суднинг қарорига кўра амалга оши-рилиши мумкин.
Ходимнинг розилигисиз меҳнат ҳақидан қуйидаги ҳолларда ушлаб қолиниши мумкин:
— белгиланган солиқлар ва бошқа мажбурий тўлов-ларни ундириш учун;
— суднинг қарорлари ва бошқа ижро ҳужжатларини ижро этиш учун;
— олдидан берилган мақсадли пуллар (масалан, хизмат сафарлари учун берилган ва ишлатилмай қо-лиланган аванс) бўйича ҳисоб-китоб қилиш ҳамда ортиқча тўланган суммани қайтариб олиш учун;
— меҳнат таътили бўйича ҳисоб-китоб қилиш учун;
— ходим томонидан иш бевуричига етказилган зарар-ни қоплаш учун;
— интизомий жазо тариқасида тайинланган жари-мани ундириш учун.
Иш ҳақидан ушлаб қолинадиган ҳақнинг умумий микдори ходимнинг иш ҳақининг эллик фоизидан ортиб кетмаслиги лозим. Ушбу чеклов алимент мажбуриятла-ри бўйича қарздорлиқни ахлоқ тузатиш ишлари тарзи-даги жазо тайинланган ходимнинг иш ҳақидан ушлаб қолишга нисбатан татбиқ этилмайди. Бундай ҳолларда ушлаб қолинадиган ҳақнинг микдори етмиш фоиздан ортиб кетмаслиги лозим.

ЭСКИ НАМУНАДАГИ ҲАЙДОВЧИЛИК
ГУВОҲНОМАСИ
қақонгача амал қилади?



Эски намунадаги миллий ҳайдовчилик гувоҳнома-ларини янги намунадаги гувоҳномага мажбурий алмаш-тириш мuddати 2021 йил 31 декабрча узайтирилган (илгари 2020 йил 31 декабрь эди).
Шунингдек, эски намунадаги миллий ҳайдовчилик гувоҳномалари ҳамда автоматотранспорт воситаси руй-хатдан ўтказилганлиги тўғрисидаги гувоҳномалар 2022 йил 1 январдан бошлаб ҳақиқий эмас деб ҳисобланади (илгари 2021 йил 1 январь эди).

ШАХСНИНГ СУДЛАНГАНЛИК ҲОЛАТИ
қуйидаги пайтларда тугалланади

— шартли ҳукм қилинганларга нисбатан — синов мuddати тугаган кундан бошлаб;
— мажбурий жамоат ишлари, хизмат бўйича чеклаш ёки интизомий қисмага жўнатиш тарзидаги жазоларини ўтаб чиққач;
— жарима жазоси ижро этилган кундан кейин, шу-нингдек, муайян ҳуқуқдан маҳрум қилиш ёки ахлоқ туза-тиш ишлари жазolari ўталгандан кейин — 1 йил ўтгач;
— озодлиқни чеклаш жазоси ўталгандан кейин — 2 йил ўтгач;
— 5 йилдан кўп бўлмаган мuddатга озодлиқдан маҳрум қилиш жазоси ўталгандан кейин — 4 йил ўтгач;
— 5 йилдан ортиқ, лекин 10 йилдан кўп бўлмаган мuddатга озодлиқдан маҳрум қилиш жазоси ўталгандан кейин — 7 йил ўтгач;
— 10 йилдан ортиқ, лекин 15 йилдан кўп бўлмаган мuddатга озодлиқдан маҳрум қилиш жазоси ўталгандан кейин — 10 йил ўтгач.

Адлия вазирлигининг телеграмдаги
“Huquqiy axborot” канали.

ЭЪЛОН

«TOSHKENT UNIVERSAL AUKTSION SAVDO» МЧЖ АХБОРОТИ

«TOSHKENT UNIVERSAL AUKTSION SAVDO» МЧЖ томонидан 2020 йил 18 август ва 24 сентябрь кунлари ўтказил-ган очиқ аукцион савдоси натижаларига кўра, «NBU INVEST GROUP» АЖнинг «NAM TEX» МЧЖ устав фондидаги 100 фоиз жамият улуши – 16 900 000 000 сўмга; Ўзбекистон Республикаси Фан-лар академияси Ф.О.Мавлонов номида-ги Сейсмология институти балансидаги д/р 01/158SBA бўлган «УАЗ-315148-095» – 26 850 000 сўмга; д/р 01/159SBA бўл-ган «УАЗ-315148-095» – 27 000 000 сўм-га; д/р 01/160SBA бўлган «УАЗ-315148-095» – 30 250 000 сўмга сотилганлиги маълум қилинади.

Гувоҳнома № 005357

ФИРИБГАРЛИК УЧУН ЖАВОБГАРЛИК

Ўзганинг мулкини ёки мулкка бўлган ҳуқуқини алдаш ёки ишончни суиистеъмол қилиш йўли билан қўлга киритиш

Фирибгарлиқни содир этган шахс

БҲМнинг **50 баравари** миқдорида жаримадан
3 йилгача озодлиқдан маҳрум қилишгача

- анча миқдорда
- бир гуруҳ шахслар томонидан олдидан тил бириктириб
- компьютер техникаси воситаларидан фойдаланиб содир этилган бўлса

БҲМнинг **100 баравари** миқдорида жаримадан
5 йилгача озодлиқдан маҳрум қилишгача

- кўп миқдорда
- такроран ёки хавфли рецидивист томонидан
- хизмат мавзеидан фойдаланиб содир этилган бўлса

БҲМнинг **300 баравари** миқдорида жаримадан
8 йилгача озодлиқдан маҳрум қилишгача

- жуда кўп миқдорда
- ўта хавфли рецидивист томонидан
- уюшган гуруҳ томонидан ёки унинг манфаатларини кўзлаб содир этилган бўлса

БҲМнинг **400 баравари** миқдорида жаримадан
10 йилгача озодлиқдан маҳрум қилишгача бўлган жазо қўлланилади.

@huquqiyaxborot

Жиноят кодекси. 22.09.1994 й.

«Темурчининг боласи тарбият топса, бўлур олим...»

БҮЮКЛАР УГИТЛАРИ

Абдулла Авланийнинг «ТУРКИЙ ГУЛИСТОН ЁХУД АХЛОҚ» китобидан



АХЛОҚ

Инсонларни яхшиликга чақиргувчи, ёмонликдан қайтаргувчи бир илмдур. Яхши хулқларнинг яхшилигини, ёмон хулқларнинг ёмонлигини далил ва мисоллар ила баён қиладурган китобни ахлоқ дейилур.

Ахлоқ илмини ўқиб, билуб амал қилган кишилар ўзининг ким эканин, жаноби ҳақ на учун халқ қилганин, ер юзида нима иш қилмак учун юборганин билур. Бир киши ўзидан хабардор бўлмаса, илмни, уламони, яхши кишиларни, яхши нарсаларни, яхши ишларнинг қадрини, қимматини билмас. Ўз айбини билуб, иқрор қилуб, тузатмакга саъй ва қўшиш қилган киши чин баҳодир ва пахлавон кишидур. Расули акрам набиййи муҳтарам афандимиз: "Мезон тарозусига қўйиладурган амалларнинг ичида яхши хулқдан оғирроқи йўқдур. Мўъмин банда яхши хулқи сабабли кечаси ухламасдан, кундузлари рўза тутуб ибодат қилган кишилар даражасига етар", демишлар.

➤ Инсон жавҳари қобилдур. Агар яхши тарбия топуб, бузуқ хулқлардан сақлануб, гўзал хулқларга одатлануб катта бўлса, ҳар ким қошида мақбул бахтиёр бир инсон бўлуб чиқар. Агар тарбиятсиз, ахлоқи бузулуб ўсса, оллоҳдан қўрқмайдурган, шариятга амал қилмайдурган, насиҳатни қулоғига олмайдурган, ҳар хил бузуқ ишларни қиладурган, нодон, жоҳил бир расвойи олам бўлиб қолур.

Ўрнидан қўчиб кетганини эшитсангиз, ишонингиз, аммо бир одамнинг хулқи бошқа бўлди деб эшитсангиз, ишонмангиз", демишлар.

Хулқи ёмон юз, кўзидан на суд, Юз, кўзли хулқни қилмас кашуд. Хулқ маризига, даво истасанг, Марғ давосин берилур қистасанг. Хулқи ёмонинг кетурар қўл зарар, Хулқинг ўзи бошингга калтак урар. Хулқи фано бўлса, дегил алҳазар, Хору залипликда қолур дарбадар.

ЯХШИ ХУЛҚ, ЁМОН ХУЛҚ

Ахлоқ уламози инсонларнинг хулқларини иккига бўлмишлар: агар нафс тарбият топиб, яхши ишларни қилурга

одат қилса, яхшиликга тавсиф бўлуб "яхши хулқ", агар тарбиятсиз ўсуб, ёмон ишлайдурган бўлуб кетса, ёмонликга тавсиф бўлуб "ёмон хулқ" деб аталур.

Жаноби ҳақ инсонларнинг асл хилқатда истъодод ва қобилиятли, яхши ила ёмонни, фойда ила зарарни, оқ ила қорани айирадурган қилуб яратмишдур. Лекин бу инсондаги қобилиятни камолга еткурмак тарбия ила бўладур. "Қуш уясида қўрганин қиладур". Инсон жавҳари қобилдур. Агар яхши тарбия топуб, бузуқ хулқлардан сақлануб, гўзал хулқларга одатлануб катта бўлса, ҳар ким қошида мақбул бахтиёр бир инсон бўлуб чиқар. Агар тарбиятсиз, ахлоқи бузулуб ўсса, оллоҳдан қўрқмайдурган, шариятга амал қилмайдурган, насиҳатни қулоғига олмайдурган, ҳар хил бузуқ ишларни қиладурган, нодон, жоҳил бир расвойи олам бўлиб қолур.

Расули акрам набиййи муҳтарам афандимиз: "имони комил бўлган кишилар яхши хулқли бўлурлар, сизнинг энг яхшиларингиз хотунларига яхшилиқ қилганларингиздур", демишлар.

Худонинг раҳмату фазли ҳама инсонга яқсардур, Ва лекин тарбият бирла етушмак шарт и акбардур.

Тўғуб тошлов ила бўлмас бола, бўлғай боло сизга, Вужуди тарбият топса, бўлур ул раҳнамо сизга.

Темурчининг боласи тарбият топса, бўлур олим, Бузулса хулқи, луқмон ўғли бўлса, бўлғуси зolim. Ёмонларга қўшулди Нуҳнинг ўғли ўлди беимон, Юрди қаҳф ити хублар ила бўлди оти инсон.

РЕКЛАМА ЎРНИДА

«ОЛТИН ОЛМА, ДУО ОЛ...»



Шу кунларда мамлакатимиз бўйлаб куз-қиш мавсумига жиддий тайёргарлик қўрилмоқда. Самарқанд вилоятининг Нуробод туманида ҳам бу борада аниқ манзилли тадбирлар амалга оширилмоқда.

"Исиклик манбаи" давлат унитар корхонасининг Нуробод филиали фаолияти бунга мисол бўлади. Ёз фаслида исиклик қуввати етказиш тармоқлари мукамал, мавжуд қозонхоналар жорий

йили "Нурободтумангаз" филиалида чилангар таъмирловчи бўлиб ишга кирди. 2006 йилгача бўлган давр оралиғида бу ишда ишлаб, нафақат катта тажриба тўплади, балки оддий одамлар орасида юриб, ҳаётнинг қадрини ҳам янада теранроқ тушунди. Бу дунёда фақат яхшилиқ, эзгулик одамга яхши ном келтиришини англаб етди.

— Нуробод туманидаги Агран қишлоғида туғилганман, — дейди Зафаржон. — Отам Нардишер ака стоматолог-шифокор. Бу яқин атрофдагилар дадамни қўлиенгил шифокор сифатида жуда ҳурмат қилади. Онам Жамила опа кўп йиллар давомида тумандаги шифохонада оддий ишчи бўлиб хизмат қилган. Ота-онам бизни оқ ювиб, оқ тараб элга қўшишди. Бунинг учун жуда миннатдорман.

Зафаржоннинг бу гапларини тинглаб экансиз, инсон камолотида оиладаги муҳитнинг, таълим-тарбиянинг нечоғли катта эканига яна бир бор иқрор бўласиз. "Нурободтумангаз" филиалига оддий чилангар бўлиб ишга кирган бу йигит участка бошлиғи лавозимида ҳам фаолият кўрсатди. Ҳамиша одамларнинг дуосини олишга ҳаракат қилди.

— Тақдир экан, 2008 йилдан Навоий тоғ кон-металлургия комбинатида иш



таъмирдан чиқарилди. Таъмирлаш ишлари жараёнида айниқса, тумандаги иш қаватли уйни етарли даражада исиклик билан таъминлаш чоралари кўрилди.

— Жамоамиз билан куз-қиш мавсумини юқори савияда ўтказиш учун жиддий ҳозирлик кўрганмиз, — дейди "Исиклик манбаи" давлат унитар корхонасининг Нуробод филиали директори Зафар Бобоёров. — Халқимизда "Қиш ғамини ёзда е" деган ҳикматли гап бор. Биз ҳам айни шу ҳикматга амал қилиб қўшимча тайёргарликни ёздан бошлаб юбордик. Барча жараёнларни ўрганиб, аниқ манзилли чора-тадбирлар режасини ишлаб чиқдик. Айни кунларда

бошладим, — дейди Зафаржон. — Комбинатда оддий ишчиликдан машинист, инженер, кейинчалик эса цех бошлиғи ўринбосари бўлдим. Фаолиятим бевосита энергоресурс ва исиклик манбалари билан боғлиқ бўлгани учун ўтган 12 йил давомида бу ерда катта тажриба тўпладим. Ана шу тажрибаларимни ҳисобга олишди, шу йил "Исиклик манбаи" давлат унитар корхонасининг Нуробод филиалига директорлиққа лойиқ қўришди. Албатта, бу лавозим менга катта масъулият юклайди. Зиммамда аҳолининг ҳаёти, турмуши билан боғлиқ катта вазифа борлигини доим ҳис қиламан.

Инсон нияти қанчалик улуғ ва эзгу



ҳам юзага келаётган камчиликларни бартараф этиб бораёмиз. Бу ишларда аҳолининг ўзи ҳам бизга ёрдам бермоқда. Улар билан мулоқотлар қилиб, хонадонлардаги вазиятни ўрганиб, иш юритяёмиз.

Зафар Бобоёров билан суҳбатлашиш жараёнида шунга ишонч ҳосил қилдикки, у ўз соҳасини жуда яхши тушунадиган фидойи мутахассис экан. Самарқанд давлат архитектура-қурилиш институтини 2004 йилда тамомлагач, шу

бўлса, албатта яхши натижаларга, муваффақиятларга эришади. Эл-юртнинг ишончини қозониб, дуосини олиш эса катта бахт. Зафар Бобоёров ҳали ёш, лекин эзгу мақсадлари бир олам. Одамларни ўйлаб, сидқидилдан меҳнат қилса, мақсадига албатта етишига ишончимиз комил. Чунки унинг ҳаётидаги шиори "Олтин олма, дуо ол"...

Ойгул РАЗЗОҚОВА, журналист.

РЕКЛАМА

«TOSHKENT KIMOSHDİ SAVDOLARI» МЧЖ

2020 йил 17 ноябрь куні очіқ аукцион савдоларини ўтказаді Савдоларга Тошкент шаҳар, Қоратощ кўчаси, 5-уйда жойлашган Ўзбекистон Республикаси Аҳборот технологиялари ва коммуникацияларини ривожлантириш вазирлиғи Давлат фельдъегерлік хизматининг 2013 йилда ишлаб чиқарилган, д/р 01/339 УСА, бошланғич нархи 17103777 сўм бўлган ҳамда д/р 01/341 УСА, бошланғич нархи 17331828 сўм бўлган «Дамас» русумли иккита автотранспорт воситаси қўйилади.

Аукцион савдолари соат 10-00да бошланади. Буюртма қабул қилиш савдо кунидан аввалги иш кунида соат 18-00да тўхтатилади. Савдоларда қатнашиш учун закалат тўғрисида келишувга мувофиқ автотранспорт воситасининг бошланғич нархининг камида 20 фоизи миқдориди закалат пули «Toskent kimoshti savdolari» МЧЖнинг АТИБ «Ипотека-банк» Шайхонтоҳур филиалидаги ФА 00425, СТИР 302088054, 20208000004932833001 ҳисоб рақамига тўланади. Мазкур автотранспорт воситалари юқориди белгиланган савдо куниди сотилмаган тақдирда навбатдаги ҳафталарнинг пайшанба кунлари ўтказиладиган савдоларга тақроран қўйилади. Савдо голибига савдо кунидан бошлаб йигирма кун муддат ичида олди-сотди шартномасини имзолаш, тўланган закалат миқдори сотиб олиш тўлови миқдорининг 15 фоизидан камини ташкил этган тақдирда етишмаётган суммани шартнома тузилгунга қадар тўлаб бериш шартлари юклатилади. Талабгорлар белгиланган муддатларда аукцион савдоларида қатнашиш учун буюртма икки нусхада, закалат тўлов ҳужжати нусхаси, аукцион савдоларида ишончли вакил қатнашишида белгиланган тартибда расмийлаштирилган ишончнома, ҳуқуқий шахслар – давлат рўйхатидан ўтганликлари ҳақидаги гувоҳнома нусхаси, жисмоний шахслар – паспорт тақдим этидилар. Аукционда қатнашиш тартиби ва талаблари тўғрисида қўшимча маълумотлар кўрсатилган манзилдан олиниши мумкин. Буюртмалар аукцион ўтказиладиган қуйидаги манзилда қабул қилинади: Тошкент шаҳри, Миробод тумани, Шахрисабз кўчаси, 16а-уй. Алоқа телефони (+998 95) 143-69-97 электрон почта tkos-mail@inbox.ru

Гувоҳнома № 005414-05

ЗАВОД «КРАНЫ И СПЕЦТЕХНИКА»

ПРОИЗВОДИТ И РЕАЛИЗУЕТ ПОД ЗАКАЗ:



ГАРАНТИЯ 1 ГОД

- ▶ Автокраны — 16, 25, 32, 50 т.
- ▶ Краноманипуляторы — 3, 5, 10 т.
- ▶ Ямобуры.
- ▶ Автовышки — 11, 18, 22, 28, 31м.
- ▶ Самосвалы — 3т, 4,5т, 9т.

Адрес: Республика Узбекистан, г. Ташкент. Тел./факс: (+99871) 262-97-78, (+99871) 262-23-61. Моб.: (+99890) 188-15-33, (+99890) 187-52-05. E-mail: cst2008@mail.ru Web-site: www.avtokran.uz, www.krantas.uz

Товары сертифицированы.

Qabulxona — (71) 233-65-45
Xatlar va murojaatlar uchun — (71) 233-12-56
Reklama va e'lonlar uchun — (71) 233-47-80, (71) 233-38-55
E-mail: info@uzbekistonovozi.uz

MANZILIMIZ: 100000, Toshkent, Matbuotchilar ko'chasi, 32-uy.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

«Sharq» nashriyot-matbaa aksiyadorlik kompaniyasi boshmaxonasida chop etildi.

Korxona manzili: Buyuk Turon ko'chasi, 41-uy. Gazeta ofset usulida, A-2 formatida bosildi. Hajmi — 4 bosma taboq.

Gazeta haftaning chorshanba kuni chiqadi. «O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.

Г — 1051. 1808 nuxxada bosildi. Nashr ko'rsatkichi — 220. t — Tijorat materiallari O'za yakuni — Topshirilgan vaqti — 22:20.

Sotuvda kelishilgan narxda

Navbatchi: Bardambek SA'DULLAYEV Sahifalovchi-dasturchi: Bekzod ABDUNAZAROV



1 2 3 4 5 6

OʻZBEKISTON OVOZI

MUASSIS:



O'ZBEKISTON XALQ DEMOKRATIK PARTIYASI MARKAZIY KENGASHI

Bosh muharrir Safar OSTONOV

TAHRIR HAY'ATI:

Ulug'bek INOYATOV

Qalandar ABDURAHMONOV

Hayotxon ORTIQBOYEVA

Ulug'bek VAFOYEV

Guliston ANNAQILICHEVA

Toshtemir XUDOYQULOV

Muslihiddin MUHIDDINOV

Mahmud TOIR